

ANIJ EJ KAKEMEMEJ EBRAM KŌN KALLIṀUR KO AN

Kōttōpar ko an katak in:

- Kwaḷok bwe Anij ear watōk tōmak eo an Ebram ñan e āinwōt wānōk.
- Kwaḷok bwe Anij ej kememej im kōjparok kalliṀur ko An.
- Kwaḷok bwe meñe armej re bōd, ewor joḷok bōd ippān Anij.

Meḷeḷe ko relap ilo katak in:

- Jen tōmak men ko Anij ej ba.
- Jen meḷeḷe bwe wāween eo de in bwe armej ren wānōk iṃaan Anij ej ñe Anij ej watōk wānōk ñan er.
- Jen lo bwe Anij ej kōṃṃan men ko Ej ba aolep iien.

Anij ear waḷok ñan Ebram ke ear kabuñ ñan ekjab ilo jikinkweilok in Ur. Jeova ear ba ñan e bwe en ilok jān bukwōn an im etal ñan bar juon jikin me Enaaj ba kajjien ñan e. Ebram ear tōmak Anij, im Anij ear watōk men in ñan e āinwōt wānōk. Men in ej kwaḷok ruo men:

Juon, kōj ri ban. Eḷaññe Anij ear jab waḷok ñan Ebram, innām Ebram enaaj kar wan ṃaan ḷok im kabuñ ñan ekjab. Eban kar wānōk.

Ruo, Anij wōt e maroñ kowānōk kōj. Ebram ear tōmak Anij, im Anij ear watōk men in ñan e āinwōt wānōk. Kiiō jej katak kōn an Anij kakeememej Ebram kōn kalliṀur eo An ñan e.

Ilo katak in, jenaaj ḷōṃṃak kōn elōñ men re aorōk. Ewi wāween bwe juon armej en wānōk iṃaan mejān Anij? Anij e maroñ ke kōṃṃan men ko armej re bani?

1. Anij ear bar kwaḷok kalliṀur ko An ñan Ebram.

* **Anij ej kōnono ippān armej.**



Jenesis 13:14-17 Im Jeova ear ba ñan Ebram, ālikin an Lot jepel jān e, “Kwōn reiḷok kiiō im lale jān ijo kwōj pād ie, ñan eañ, im rak, im reear, im kapilōñ, [15] Bwe aolepen āneo kwōj loe, Inaaj lewōj ñan eok, im ñan ineōṃ indeeo. [16] Im Inaaj kōṃṃan ineōṃ āinwōt bok in laḷ, im eḷaññe armej e maroñ in bwine būñal in laḷ, innām renaaj barāinwōt maroñ in bwini ro ineōṃ. [17] Kwōn jutak, im etetal ilujen āneo ilo aitokōn im ilo depakpakin, bwe Inaaj lewōj ñan eok.”

Anij ear kalliṀur bwe Enaaj leḷok ñan Ebram aolepen āne in Kenan. Ilo raan kein, jej ba āne in Is-rael.


Jete iju kwō maroñ loe ilo boñ? Anij ear ba ñan Ebrean, ṃokta jān an wor nejin, bwe juon raan ro nejin im ineen renaaj oran wōt iju ko!



Jenesis 15:5,6 Im Ear āñin e i nabōj im ba, “Kwōn ejjed ñan lañ, im lale iju kañ, eļaññe kwō maroñ in bwini.” Innām Ear ba ñan e, “Enaaj āindein ineōm.” Im ear tōmak Jeova, im Ej watōk men in ñan e āinwōt wānōk.

*** Armej rej aikuj tōmak bwe ren kabuñbūruon Anij im bōk lōmḡor.**

Ebram ear tōmak Anij. Etto an Ebram im Serai mare, im raar rūtto kiiō, im ejjelōk nejier. Anij ear kallimur kōn juon men me ej āinwōt e jab maroñ waļok ilo an armej lōmḡak. Bōtab, Ebram ear tōmak Anij, im kōn an tōmak Anij, Anij ear bōk e **bwe en āinwōt ejjelōk an jerōwiwi.**



Ebram ear juon ri jerōwiwi ke? Aet. Ear rū wānōk ke? Jaab, bwe ejjelōk rū wānōk. Aolep rej ri nana.

Ke ej ba bwe Anij ear watōk an tōmak āinwōt wānōk, meļeļein bwe Anij ear pepe in watōk Ebram bwe en juon rū wānōk. Elmān an Anij maroñ kōmḡan men in, bwe elōñ an Ebram jerōwiwi, im eḡōj an Anij ba bwe kaje eo kōn jerōwiwi ej mej? Unin an Anij maroñ kōmḡane ej kōnke Anij ear jeļā bwe juon raan, Ri Lōmḡor eo, me eḡōj kallimur kake ilo Jenesis 3:16 im 12:3, Enaaj kōļļā kōn nana ko an Ebram.

Im etke Anij ear pepe in kōmḡan men in ñan Ebram? Anij ear kōmḡane kōnke E jouj, im Ear kōmḡane ke Ear lo bwe Ebram ear tōmak E. Wānōk in ear juon men in leļok jān Anij. Ebram ear jab jerbāl bwe en bōke. Ebram ear jeļā bwe ejjelōk an maroñ in lōmḡoren e make jān jerōwiwi ko an, ak ear tōmak Anij, Eo ear ba Enaaj jilkintok juon Ri Lōmḡor. Ewor juon wōt wāween bwe jen wānōk iḡaan Anij, im men in ej ñe Anij ej watōk wānōk ñan kōj ñe Ej lo ad tōmak Naan ko An.

Je jab maroñ wānōk kōn:

- an ri kake jare kōj
- ad mare im pokake jet kien
- ad jar aolep Jabōt
- ad joļok ad bōd ippān Anij
- ad kakonana im juon ḡōttan joñoul
- ad karreo ad mour kōn ad joļok kadek, jikka, im nana ko reļap



Eḡḡan men kein, ak re ban kōmḡan bwe jen erom rū wānōk. Ejjelōk men je maroñ kōmḡane bwe jen wānōk. Wāween de in ej bwe jen bōk wānōk eo jān Anij, im jej bōke kōn An jouj ñe jej tōmak E. Lale naan ko an Paul ke ej kōnono kōn iien eo ñe enaaj pād iḡaan Anij.



Pilippai 3:9 Im waļok ilo E, ke e jab ippa wānōk eo aō, eo jān kien, a eo kōn lōke Kraist, wānōk eo jān Anij kōn tōmak.

*** Anij e jeļā men otemjej.**



Jenesis 15:13-16 Im Ear ba ñan Ebram, “Kwōn kanooj jeļā bwe ro ineōm renaaj ruwamāejet ilo juon āne e jab āneir, im renaaj kamakokoik er, im renaaj kaeñtaan er iuḡwin ābukwi iiō. [14] Im barāinwōt Inaaj ekajete ri aelōñ eo rej jerbāl ñan er; im tokālik renaaj diwōjtok im elōñ ḡweuiuk ippaer. [15] Im kwōnaaj ilok ñan ippān ro

jimman ilo aenomman; im naaj kalbwin eok ilo am kanooj bwijwoḷā. [16] A ilo epepen kein kāāmen renaaj jepḷaaktok, bwe an ri Amor jerowiwi e jañin obrak.”

Kwō jeḷā ke ta eo enaaj waḷok wiin in laḷ, ak iiō in laḷ? Ewor ke juon eo e jeḷā ta eo enaaj waḷok 100 iiō jān kiiō? Ejjeḷok, ak Anij e jeḷā.

2. Ebram im Serai raar bōd.



Jenesis 16:2 Im Serai ear ba ñan Ebram, “Lo, kiiō, Anij ear dāpij eō jān aō neje. Ij akweḷap ñan eok, kwōn deḷoñ ñan ippān lio karijera. Bōlen in bōk nejū kōn e.” Im Ebram ej eḷoñ ainikien Serai.

Rüttōn Serai 76 im Ebram 86 kiiō. Anij ear leḷok kallimur eo ñan er 11 iiō ko remootḷok. Bōtab e jañin tōprak. Serai ear aepādpād, im ear kōtabalbal bwe en tōprak juon nejier ajri.

Ekkar ñan manit ilo kar iien eo, juon emman, me ejjeḷok nejin, e maroñ bōk juon karijeran jiroñ bwe en ainwōt pāleen (koba ippān mool in pāleen eo e war). Innām eḷañne ewor nejin ḷaddik, nejin ri karijer eo, ḷeo e maroñ bōk e bwe en nejin me enaaj jolōt aolep men jān e. Ekkā wōt juon nejin juon emman im nejin juon karijer ak jabdewōt kōrā me e jab mool in pāleen ḷeo e jab maroñ ri jolōt. Renaaj watōk e juon ri karijer wōt.



Bōtab, meñe mantin armej ro, e nana ippān Anij. Ebram ear eḷoñ Serai im pād ippān Hegar, juon ri Ijpt me ear juon ri karijeran Serai. Hegar ear bōro im keotak Ishmael. Bōtab Anij e jab moñmoñ, bwe emōj An ba bwe enaaj wor nejin Ebram im Serai. Ebram im Serai raar kōmman bōd, im elōñ jerata raar waḷok jān men in tokalik. Ilo raan kein, elōñ iaan ri Arab rej jān bwij eo an Ishmael, im ñan rainin wōt rej jumae ro ri Ju.

3. Jeova ej bar kōnono ñan Ebram.



Jenesis 17:1 Im ke rüttōn Ebram ruwatimjuonñoul ruwatimjuon iiō, Jeova ear waḷok ñan Ebram im ba ñan e, “Ña Anij ḷapḷap; kwōn ito-itak imaan Meja, im kwōn weppān. Im Inaaj kōmman Aō bujen ikōtaō im kwe, im Inaaj kanooj korḷok eok.”

Jete an Ebram iiō kiiō? 99. Anij Ear kōnaa kwaḷok ñan Ebram bwe Ear jab meḷokḷok e. Meñe Anij eḷap im kōj ri ettā, E jab meḷokḷok kōj. Aolep iien ej ḷomnak kōn kōj im oḷake aikuj ko ad.

4. Jeova ear ukōt etan Ebram im Sarai.



Jenesis 17:5, 15 “Im re jāmin bar likūt etaḷ Ebram, a etaḷ enaaj Ebream; bwe Iar kōmman eok jemān elōñ bwij.” [15] Im Anij ear ba ñan Ebream, “Kōn Serai lio pāleoḷ, kwōn jab bar likūt etan Serai, a etan Sera.”

Āt in Ebram ej meḷeḷe in “jemān e utiej.” Āt in Ebream ej meḷeḷe in “Jemān elōñ bwijin ajri.” Āt in Serai ej meḷeḷe in “nejin lirooj.” Āt in Sera ej meḷeḷe in “Jinen elōñ aelōñ ko.”



Jenesis 17:16 “Im Inaaj kajeraamman e, im Inaaj barainwōt lewōj nejōm maan kōn e; aet, Inaaj kajeraamman e, im enaaj jinen elōñ bwij; im kiiñ ro an armej renaaj waḷok jān

e.”

* **Anij e tiljek, im E jab oktak.**

Anij e jañin meļokļok kallimur eo An, im Ear kōņaan bwe Ebream im Sera ren tōmak wōt E. Re rūtto, ak ñe Anij ej ba Enaaj kōmņane juon men, innām Enaaj kōmņane.

Men in ej katakin kōj bwe jen tōmak wōt Naan ko an Anij jekdoņon ta eo jej lo kōn mejad.



Hibru 11:1 A tōmak ej ainwōt lōke kōn men ko jej kōjatdikdik kōj kaki, im reel būruōd kōn men ko jej jab loi.

Etke jen tōmak men ko me je jab loi? Je lak lale e pidodo ļok ad tōmak men ko jej lukkuun kallimjek i kōn mejad make. Ak Anij e kōņaan bwe jen tōmak men ko Ej ba. Emņan ipped ñe armej rej tōmak kōj. Jej aikuj errā ippān Anij bwe men ko Ej ba re mool.



2 Korint 4:18 Ke kōm jab kallimjek men ko jej loi, a men ko je jab loi; bwe men ko jeje loi re jarkaju (eor iien aer pād), a men ko je jab loi rej indeeo.

Jeova ear leļok juon naan in kallimur ñan Ebream im Sera, im Ear kōņaan bwe ren tōmak naan in jekdoņon ñe aolep men ko raar loi (an Sera ewar, aerro bwijwōlā) raar juņae kallimur in.

5. Sera ej ettōñ kake kallimur eo an Anij.



Jenesis 18:1,2 Im Jeova ear weeaktok ñan e iturin wōjke ok ko an Mamre, ke ear jijet ilo kōjām in mōn kōppād eo ke e dāt. Im ear bōk mejān im reiļok, im lo, jilu armej raar jutak ikijjen; im ke ej lo er, ear ettōr maer er jān kōjām in mōn kōppād eo, im ear make badikdik ñan laļ.

Ilo iien in Jeova ear waļok ñan Ebream ilo annaņin juon armej, im ear wor ruo enjeļ Ippān, im raar waļok ilo annaņin armej. E jab meļeļe in bwe Anij elōñ ānbwinnin. Bōtab Anij ear waļok ñan e ilo juon wāween bwe Ebream e maroñ meļeļe kake. Ilo jinoin, Ebream ej ba wōt bwe rej armej wōt, ak ke Anij ear kōnono ñan e, ear kile bwe E Anij.

Etke Anij ear loļok Ebream? Ej kōnke Ear kōņaan rōjañ e im kwaļok juon naan ñan e. Ear kōņaan kakememej e bwe Ear jab meļokļok e im kallimur eo An ñan e. Ke Anij ear bwebwenato ippān Ebream, ear ba,




Jenesis 18:10 Im Ear ba, “Eņool Inaaj jepļaaktok ñan ippam, ñe e jejjet iien; im lo, Sera, lio pāleōm, enaaj neje maan.” Im Sera ear roñ ilo kōjām in mōn kōppād eo, ilikin.

Sera ear kūtiliek itūrun kōjām in em nuknuk eo, im ke ear roñ men in ear ettōñ.



Jenesis 18:11, 12 Kiiō Ebream im Sera re



rūtto, im elōñ aerro iiō; im e jako ippān Sera mantin kōrā. Im Sera ear ettōñ ilo būruon im ba, “Ke ij rūtto inaa j mōñmōñ ke, im aō irooj barāinwōt e rūtto?”

Jeova ear roñ an Sera ettōñ im ba,



Jenesis 18:13, 14 Im Jeova ear ba ñan Ebrean, “Etke Sera ej ettōñ im ba, ‘Eṃool ke inaa j neje, im ña I rūtto?’ Ewor ke men eo Jeova e jab maroñwe? Ilo iien eo Iar ba, Inaa j jeṃlaaktok ñan ippam, ñe e jejjet iien, im Sera enaa j neje maan.”

Ta eo am lõmṃak kōn kajjitōk in? Ewor ke men eo im Jeova e bane? Ejjeṃok. Ewor ke jabdewōt im armej re bane? Aet. Eṃap tata re bane wānōk. Kallimur eo me Anij ear leṃok ñan Ebrean im Sera, e ban tōprak kōn maroñ eo aer make. Raar bane. Bōtab Anij ear maroñwe. Anij make ear kōmṃan bwe ren Jemān elōñ bwijin ajri [Ebrean] im Jinen elōñ aelōñ ko [Sera]. Ilo ejja jekjek in wōt, je bane wānōk. Jijej wōt e maroñ kowānōk kōj. Ad make jebal e ban tōprak. Jen kōttāik kōj ñan E, im lōke wōt E ñan kowānōk kōj.

Kajjitōk ko

1. Enaa jete ro nejin Ebram ekkar ñan kallimur eo an Anij?
2. Ebram ear juon ri jerowiwu ke?
3. Etke Anij ear watōk wānōk ñan Ebram?
4. Ewi bōd eo Ebram im Serai raar kōmṃane?
5. Anij ear ukōt etan Ebram ñan ta? Ear ukōt etan Serai ñan ta?
6. E kar jete an Ebram iiō ke Anij ear kōnono ippān ilo jinoin 17 jebta?
7. Ilo jebta 18, Anij ear waṃok ñan Ebrean ilo wāween ta?
8. Sera ear kōmṃan ta ke Anij ear bar ba bwe enaa j keotak juon ṃaddik?

